

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 103. sjednici, održanoj 24.07.2017. godine, d o n o s i

ZAKLJUČAK

o usvajanju Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničkodobojskog kantona u 2017. godini, u razdjelu 23, budžetska organizacija 01, potrošačka jedinica 0001, pozicija "Subvencije-veterinarstvo"

I.

Usvaja se Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2017. godini, u razdjelu 23, budžetska organizacija 01, potrošačka jedinica 0001, ekonomski kod 614400 NAD 405 "Subvencije-veterinarstvo" u iznosu od 250.000,00 KM (slovima: dvijestotinepedesethiljada konvertibilnih maraka) Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/17.
Datum, 24.07.2017. godine
Zenica

PREMIJER

Miralem Galijašević

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA OD PRIKUPLJENIH VETERINARSKIH NAKNADA ZA MJERE
ZDRAVSTVENE ZAŠTITE ŽIVOTINJA I VETERINARSKOG JAVNOG ZDRAVSTVA NA
PODRUČJU ZENIČKO-DOBOJSKOG KANTONA U 2017. GODINI**

Zenica, juli 2017. godine

Podaci o programu

Program je usvojen:	na 103. sjednici Vlade Zeničko-dobojskog kantona održanoj 24.07.2017. godine.
Period realizacije Programa:	Realizacija Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2017. godini (u daljem tekstu: Program)
Ukupna vrijednost Programa:	250.000,00 KM.
Namjena Programa:	Zdravstvena zaštita životinja i unapređenje veterinarskog javnog zdravstva.
Korisnici Programa:	Veterinarske stanice, vlasnici životinja (fizička i pravna lica), općine/Grad Zeničko-dobojskog kantona, udruženja, Javne ustanove (u daljem tekstu: Korisnici)
Izvor sredstava:	Namjenska sredstva u Budžetu Zeničko-dobojskog kantona u 2017. godini, Ministarstvo za poljoprivredu, šumarstvo i vodoprivredu, "Subvencije-veterinarstvo" , razdjel 23, budžetska organizacija 01, potrošačka jedinica 0001, ekonomski kod 614400, NAD 405. Na osnovu Zakona o izvršavanju Budžeta Zeničko-dobojskog kantona za 2017. godinu ("Službene novine Zeničko- dobojskog kantona", broj: 15/16).
Odgovorna osoba:	Himzo Smajić, ministar

I ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona sadržan je u odredbama član 124. Zakona o veterinarstvu ("Službene novine Federacije BiH" , broj: 46/00), člana 24. Pravilnika o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12 i 5/16), a u vezi sa članom 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), kojim je utvrđeno da će se navedena sredstava koristiti u skladu sa programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2017. godini (u daljem tekstu: Program).

II IZVORI I VISINA SREDSTAVA IZ KOJIH SE FINANSIRA PROGRAM

Budžetom Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), „Subvencije-veterinarstvo“ u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija «namjenska sredstva», predviđena su sredstva u iznosu od **250.000,00 KM** (dvijestotinepedeset hiljada konvertibilnih maraka). Sredstva su prikupljena od obavljenih veterinarsko-zdravstvenih pregleda i kontrola izvršenih od strane kantonalno veterinarskih inspektora koja su neutrošena do dana 23.01.2016. godine po osnovu Odluke o raspodjeli sredstava broj: 02-14-27809/12 od 07.12.2012. godine i sredstva uplaćena nakon 23.01.2016. godine. U skladu Pravilnikom o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine i Zaključkom Vlade Zeničko-dobojskog kantona broj: 02-24-15565/16 od 08.09.2016. godine sredstva će se utrošiti za provođenje mjera zdravstvene zaštite životinja i veterinarskog javnog zdravstva na području Kantona.

III AKTIVNOSTI IZ PROGRAMA

Na osnovu trenutne procjene epizootiološke situacije na području Zeničko-dobojskog kantona (u daljem tekstu: Kanton) i trenutnog stanja zdravstvene sigurnosti NŽP-a, Programa mjera zdravstvene zaštite životinja i njihovog provođenja u 2017 godini („Službeni glasnik BiH“, broj: 19/17) Ureda za veterinarstvo Bosne i Hercegovine, kontinuiteta preventivnih mjera zdravstvene zaštite životinja i unapređenja veterinarskog javnog zdravstva na području Kantona u 2017. godini, ovim Programom planira se provođenje slijedećih aktivnosti:

1. Sufinansiranje uzorkovanja i serološkog ispitivanja na Plavi jezik ovaca,
2. Sufinansiranje provedbe dijagnostičkih ispitivanja muznih krava,
3. Finansiranje troškova eutanazije i neškodljivog uklanjanja zaraznih životinja,
4. Preventivne dijagnostičke pretrage na Američku gnjiloću pčela,
5. Dijagnostičke pretrage pojave zaraznih i parazitarnih bolesti životinja po nalogu Veterinarskog inspektora,
6. Serološka pretraga na Infektivna anemija konja (IAK) svih konja,
7. Rezerva.

IV KRITERIJI ZA ODOBRAVANJE SREDSTAVA

Sredstva po ovom Programu moći će ostvariti samo oni Korisnici koji ispune opće i posebne kriterije, kako slijedi:

A. Opći kriterij

- Korisnici sa prebivalištem, odnosno sa sjedištem na području Kantona,
- Korisnici koji nemaju dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Životinje koje budu obuhvaćene ovim Programom moraju biti upisane u jedinstveni registar domaćih životinja u skladu sa Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine FBiH“, broj: 87/07) i Pravilnikom o označavanju životinja i šemi kontrole kretanja životinja u BiH („Službeni glasnik BiH“ broj: 28/03),
- Korisnici koji nisu proveli naređene mjere u 2016. godini shodno „Naredbi o mjerama kontrole zaraznih i parazitarnih bolesti životinja i njihovom provođenju u 2016. godini“ („Službene novine FBiH“, broj: 04/16) ne mogu ostvariti prava na sredstva iz ovog Programa.

B. Posebni kriteriji po planiranim aktivnostima iz Programa

1. **Sufinansiranje uzorkovanja i serološkog ispitivanja na bolest Plavi jezik ovaca** – u slučaju pojave sumnje na zaraznu bolest Plavi jezik ovaca, Kanton će sufinansirati provođenje uzimanja i slanja na pretragu uzoraka krvi ili tkiva životinja koje pokazuju kliničke znakove bolesti ili životinja sumnjivih na oboljenje u iznosu od 20,00 KM/ovci. Mjere uzorkovanja i slanja krvi na laboratorijsku analizu provodit će registrovane Veterinarske organizacije sa područja Kantona. Uzorke krvi životinja neophodno je uzeti samo od životinja koje pokazuju kliničke znakove bolesti kako bi se potvrdila prisutnost bolesti, a ne od svih životinja na imanju. Pravo na sufinansiranje ostvariti će vlasnici ovaca preko Veterinarskih organizacija. Laboratorijska potvrdna metoda je (ELISA).
2. **Sufinansiranje provedbe dijagnostičkih ispitivanja muznih krava** – Kanton sufinansira proizvođače koji su u sistemu otkupa mlijeka ili su registrovani za preradu mlijeka u vlastitom domaćinstvu za provedene obavezne mjere krava u laktaciji čije se mlijeko stavlja u javnu potrošnju. Sufinansira se Potvrda o provedenim obaveznim mjerama za krave u laktaciji sa 20,00 KM/grlu. Dijagnostičko ispitivanje/vakcinacija obavljat će Veterinarske stanice sa područja Kantona. Pravo na sufinansiranje ostvarit će proizvođači preko Veterinarskih organizacija.
3. **Finasiranje troškova eutanazije i neškodljivog uklanjanja zaraznih životinja** – U slučaju kada nadležni Veterinarski inspektor naredi obavezne mjere eutanazije i neškodljivog uklanjanja životinja na području Kantona, a u cilju sprječavanja, širenja i iskorjenjivanja zaraznih bolesti životinja (zoonoza) a koju obavljaju Veterinarske organizacije sa područja Zeničko-dobojskog kantona, Kanton će finansirati vlasnicima životinja nastale troškove eutanazije i sanacije terena u iznosu: 100,00 KM/krava,konj, 20 KM/ovca, koza, svinja i pčele 10,00 KM/pčele.

4. **Preventivne dijagnostičke pretrage na Američku gnjiloću pčela** – Kanton sufinansira preventivnu dijagnostičku mjeru – pretraga na Američku gnjiloću pčela u iznosu od 20,00/KM po uzorku. Pravo na sufinansiranje imaju vlasnici pčelinjih društava koji su proveli propisane preventivne mjere za pčele u 2017. godini u skladu sa Programom mjera zdravstvene zaštite životinja i njihovog provođenja u 2017 godini („Službeni glasnik BiH“, broj: 19/17) Ureda za veterinarstvo Bosne i Hercegovine. Dijagnostička preventivna mjera ima za cilj smanjenja širenja zarazne bolesti Američke kuge pčelinjeg legla na području Kantona.
5. **Dijagnostičke pretrage pojave zaraznih i parazitarnih bolesti životinja po nalogu Veterinarskog inspektora** – utrošak sredstava za dijagnostičko ispitivanje pojave zaraznih i parazitarnih bolesti životinja provoditi će se na osnovu naloga Kantonalne uprave za inspekcijske poslove Zeničko-dobojskog kantona – Veterinarske inspekcije u postupku obavljanja službenih kontrola.
6. **Serološka pretraga na IAK-a svih konja** - preventivnu mjeru serološke ispitivanja svih odraslih konja na zaraznu bolest Infektivna anemija konja (**IAK**) na području Zeničko-dobojskog kantona finansira se u iznosu od 20,00 KM/grlu. Pravo na sredstva imaju vlasnici svih mikročipovanih konja na području Zeničko-dobojskog kantona. Pravo na sufinansiranje ostvariti će vlasnici konja preko Veterinarskih organizacija.
7. **Rezerva** - Sredstva rezerve koristiti će se za hitne i nepredviđene zahtjeve. Zahtjevi koji su podnešeni, a nisu definisani Programom, Ministarstvo razmatra i predlaže Vladi donošenjem zaključka o odobravanju sredstava i to u sljedećim slučajevima:
 - a) u slučaju pojave neke nepredviđene zarazne bolesti životinja (zoonoza) u toku budžetske 2017. godine,
 - b) drugi podnešeni zahtjevi za čiju realizaciju su potrebna dodatna sredstva koja imaju osnovanost da se podrže,
 - c) u slučaju nedostatka sredstava za neku od aktivnosti iz Programa.

V SVRHA PROGRAMA

1. Sufinansiranje uzorkovanja i serološkog ispitivanja na bolest Plavi jezik ovaca

Provodi se u svrhu suzbijanja i iskorijenjavanja bolesti plavog jezika, bolesti koja ne može ugroziti zdravlje ljudi, ali može izazvati velike ekonomske štete i negativan uticaj na stočarstvo. Navedena mjera provodi se u skladu sa Zakonom o veterinarstvu, Pravilnikom o mjerama za kontrolu i iskorjenjivanje bolesti plavog jezika („Službeni glasnik BiH“, broj: 38/10) i Programom mjera zdravstvene zaštite životinja i njihovog provođenja u 2017 godini („Službeni glasnik BiH“, broj: 19/17).

2. Sufinasanje provedbe dijagnostičkih ispitivanja muznih krava

Ima za cilj sprječavanje, otkrivanje, kontrolu i suzbijanje zaraznih bolesti (bruceloza, tuberkuloza, enzootska leukoza i mastitisa) muznih krava čije mlijeko se koristi za javnu potrošnju, zatim poboljšanju zdravstvene ispravnosti i kvaliteta mlijeka, smanjenja ekonomskih gubitaka i davanja značajnog doprinosa u očuvanju zdravlja ljudi. Navedena mjera u skladu je sa Zakonom o veterinarstvu i Programom mjera zdravstvene zaštite životinja i njihovog provođenja u 2017 godini, Ureda za veterinarstvo BiH.

3. Finansiranje troškova eutanazije i neškodljivog uklanjanja zaraznih životinja

Zootehnička i zoohigijenska mjera koja ima za cilj sprječavanje, kontrolu i suzbijanje zaraznih bolesti životinja prvenstveno zoonoza, zaštitu zdravlja ljudi, životinja i prirodnih resursa. Navedena mjera provodi se u skladu sa Zakonom o veterinarstvu.

4. Dijagnostičke pretrage pojave zaraznih i parazitarnih bolesti životinja u postupku službenih kontrola Veterinarskog inspektora

U slučajevima kada Kantonalni veterinarski inspektor procjeni da su potrebna dodatna službena uzorkovanja, dijagnostičke pretrage zaraznih i parazitarnih bolesti životinja a sve u cilju sprječavanje, kontrole i suzbijanja zaraznih bolesti životinja prvenstveno zoonoza, zaštitu zdravlja ljudi i životinja. Navedena mjera u skladu je sa Pravilnikom o higijeni hrane („Službeni glasnik BiH“ broj: 4/13).

5. Preventivne dijagnostičke pretrage na Američku gnjiloću pčela

Dijagnostička preventivna mjera ima za cilj smanjenje širenja zarazne bolesti Američke kuge pčelinjeg legla na području Kantona. Provodi se u svrhu suzbijanja i iskorijenjavanja bolesti Američka gnjiloća pčela, bolesti koja ne može ugroziti zdravlje ljudi, ali može izazvati velike ekonomske štete i negativan uticaj na pčelarstvo. Navedena mjera je u skladu sa Zakonom o veterinarstvu i Programom mjera zdravstvene zaštite životinja i njihovog provođenja u 2017 godini, Ureda za veterinarstvo BiH.

6. Serološka pretraga na IAK-a svih konja

Dijagnostička preventivna mjera ima za cilj smanjenje širenja zarazne bolesti IAK-a na području Kantona. Provodi se u svrhu suzbijanja, kontrole i iskorijenjavanja bolesti IAK-a, bolesti koja ne može ugroziti zdravlje ljudi, ali može izazvati velike ekonomske štete i negativan uticaj na uzgoj konja. Prema Zakonu o veterinarstvu neophodno je konje testirati na IAK, redovno, ali u različitim vremenskim intervalima, ovisno o namjeni konja. Navedena mjera u skladu je sa Zakonom o veterinarstvu i Programom mjera zdravstvene zaštite životinja i njihovog provođenja u 2017 godini, Ureda za veterinarstvo BiH.

V VISINA I RASPODJELA SREDSTAVA PO AKTIVNOSTIMA

Sredstva odobrena Budžetom Kantona za 2017. godinu iznose 250.000,00 KM i raspodijelit će se u skladu sa ovim Programom na slijedeće aktivnosti, prema tabelarnom prikazu:

R/B	Aktivnost	Iznos po KM/jedinici	Iznos u KM
1.	Sufinasiiranje uzorkovanja i serološkog ispitivanja na bolest Plavi jezik ovaca	20,00 KM/ovca	30.000,00
2.	Sufinasiiranje provedbe dijagnostičkih ispitivanja muznih krava	20,00 KM/krava	150.000,00
3.	Finansiranje troškova eutanazije i neškodljivog uklanjanja zaraznih životinja	100,00 KM/ govedo 20,00 KM/ovca 10,00 KM/ pčelinje društvo	10.000,00
4.	Preventivne dijagnostičke pretrage na Američku gnjiloću pčela	15,00 KM/uzorak	10.000,00
5.	Dijagnostičke pretrage po nalogu Veterinarskog inspektora	po fiskalnom računu	10.000,00
6.	Serološka pretraga na IAK-a svih konja Zeničko-dobojskog kantona	20,00 KM/konj	10.000,00
7.	Rezerva	-	30.000,00
	UKUPNO :		250.000,00

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima odobravati sredstva iz Budžeta uz određivanje roka i potrebne dokumentacije za dostavljanje zahtjeva za isplatu sredstava.

Broj: 02-_____/17.
Datum, 27.07.2017. godine
Z e n i c a

PREMIJER

Miralem Galijašević

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.